



Broj: 10/E-11-12326/23
Sarajevo, ~~11-03-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Opštinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Izvođenje radova na rekonstrukciji česme kod džamije Magribija (Zapisnik o pregledu i ocjeni ponuda broj: 10/E-11-12326/23 od ~~06-02-2024~~ godine), Opštinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „**Tenneco Ing**“ d.o.o. **Kiseljak, ulica Josipa bana Jelačića broj 21, 71250 Kiseljak**, broj: 29-01/24 od 29.01.2024. godine, za izvođenje radova na rekonstrukciji česme kod džamije Magribija, putem konkurentskog zahtjeva za dostavu ponuda, uz primjenu e-aukcije, sa umanjenom cijenom nakon provedene e-aukcije, u ukupnom iznosu od **39.000,00 KM bez PDV-a, odnosno 45.630,00 KM sa PDV-om**.
- II. Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originale ili ovjerene kopije).
- III. Ugovorni organ će sa izabranim ponuđačem zaključiti Ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV. Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke za izvođenje radova na rekonstrukciji česme kod džamije Magribija, pokrenut je Odlukom Opštinskog načelnika o pokretanju postupka javne nabavke, broj: 10/E-11-12326/23 od 25.12.2023. godine.

Postupak javne nabavke nije podijeljen na lotove. Obavještenje o nabavci broj: 848-7-3-209-3-244/23 objavljeno je dana 28.12.2023. godine na Portalu javnih nabavki, a Ispravka za Obavještenje o nabavci 848-7-3-209-8-16/24 objavljeno je na Portalu javnih nabavki dana 19.01.2024. godine.

Procijenjena vrijednost javne nabavke iznosi ukupno **55.000,00 KM bez PDV-a**.

U roku za predaju ponuda koji je određen tenderskom dokumentacijom (29.01.2024. godine do 11:00 sati), na adresu Ugovornog organa predate su tri (3) ponude dostavljene od ponuđača: 1. „Tenneco Ing“ d.o.o. Kiseljak; 2. „HM TENAX“ d.o.o. Sarajevo i 3. „Dinalsa“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kao kriteriji „najniža cijena“, kako slijedi:

r/b	Ponuđač	Ukupno bez PDV-a (KM)	Popust	Ukupno sa popustom i PDV-om (KM)
1.	„Tenneco Ing“ d.o.o. Kiseljak	54.999,90	/	64.349,88
2.	„HM TENAX“ d.o.o. Sarajevo	66.278,80	/	77.546,20
3.	„Dinalsa“ d.o.o. Sarajevo	53.324,20	/	62.389,31

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; formalne ispravnosti, ocjene tehničke i ekonomske prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom konstatovano je da je ponuda ponuđača „HM TENAX“ d.o.o. Sarajevo nepravilna u smislu Zakona o javnim nabavkama, čijim je odredbama je definisano koja ponuda se smatra nepravilnom. Naime, detaljnim pregledom dostavljene ponude Komisija I je ustanovila da je ponuđač „HM TENAX“ d.o.o. Sarajevo ponudio cijenu radova u iznosu od **66.278,80 KM bez PDV-a**, odnosno **77.546,20 KM sa PDV-om**.

Shodno navedenom Komisija I je zaključila da cijena ponude ponuđača „HM TENAX“ d.o.o. Sarajevo prelazi planirana, odnosno obezbijeđena novčana sredstva ugovornog organa za predmetnu nabavku. Tenderskom dokumentacijom za izvođenje radova na rekonstrukciji česme kod džamije Magribija, navedena je procijenjena vrijednost nabavke bez PDV-a koja iznosi **55.000,00 KM bez PDV-a**.

Ugovorni organ je za predmetnu nabavku u Budžetu Općine Centar Sarajevo planirao, odnosno obezbijedio iznos od **70.000,00 KM** (sa PDV-om).

Na osnovu naprijed utvrđenog Komisija I je konstatovala da je članom 2. stav (1) tačka I) alineja 2) Zakona o javnim nabavkama propisano da je neprihvatljiva ponuda čija cijena prelazi planirana, odnosno obezbijeđena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Dakle, neprihvatljiva ponuda je ponuda koju je ponudio ponuđač, koja ne ispunjava zahtjeve u pogledu kvalificiranosti, ali i ponuda ponuđača čija cijena prelazi planirana, odnosno osigurana novčana sredstva ugovornog organa za nabavku.

U otvorenom postupku javne nabavke i konkurentskom zahtjevu za dostavu ponuda gdje je predviđeno provođenje e-aukcije neprihvatljivost ponude se cijeni prije zakazivanja e-aukcije.

Dalje je Komisija I konstatovala da je u skladu sa članom 15. Zakona o javnim nabavkama ugovorni organ zasniavao računanje procijenjene vrijednosti ugovora o javnoj nabavci na ukupnom iznosu koji će platiti, bez poreza na dodatu vrijednost.

Objavom tenderske dokumentacije na Portalu javnih nabavki omogućeno je svakom potencijalnom ponuđaču da, pored ostalih bitnih podataka vezanih za konkretnu nabavku, sazna podatak o procijenjenoj vrijednosti nabavke, te da u skladu sa istom formira cijenu svoje ponude bez PDV-a, na koju obračunava iznos poreza na dodatu vrijednost, a koja cijena treba da bude u okviru planiranih, odnosno obezbijeđenih sredstva ugovornog organa za predmetnu nabavku kako bi se u smislu Zakona o javnim nabavkama smatrala prihvatljivom.

U skladu sa naprijed navedenim članom 2. stav (1) tačka I) alineja 2) Zakona o javnim nabavkama Komisija I je ponudu ponuđača „HM TENAX“ d.o.o. Sarajevo isključila iz daljeg postupka i ista nije bila predmetom dalje ocjene i evaluacije.

O razlozima isključenja obaviješten je ponuđač „HM TENAX“ d.o.o. Sarajevo aktom broj: 10/E-11-12326/23 od 01.02.2024. godine.

U daljem toku postupka pregleda, ocjene i usporedbe dostavljenih ponuda ponuđača „Tenneco Ing“ d.o.o. Kiseljak i „Dinalsa“ d.o.o. Sarajevo Komisija I je utvrdila da obje ponude ispunjavaju formalno-pravne, ekonomske i tehničke uslove, odnosno da ispunjavaju zahtjeve ugovornog organa iz tenderske dokumentacije za predmetnu nabavku, te da su prihvatljive u smislu Zakona o javnim nabavkama.

Detaljnom računskom provjerom ispravnosti ponuda navedenih ponuđača, Komisija I je konstatovala da su podnesene ponude računski ispravne, te da je ispravno obračunata ukupna cijena ponude sa PDV-om.

Tenderskom dokumentacijom je predviđeno provođenje e-aukcije, te je ista bila navedena u Obavještenju o nabavci broj: 848-7-3-209-3-244/23 od 28.12.2023. godine.

E-aukcija u predmetnom postupku održana je dana 05.02.2024. godine sa početkom u 14:00 sati. U predviđenom periodu održavanja e-Aukcije (14:00-14:42) ponuđači su podnijeli ukupno 28 novih cijena, izmijenjenih naniže u odnosu na početne cijene primljenih ponuda.

Sistem e-Nabavke je dostavio Izvještaj o toku i završetku e-aukcije, broj postupka 848-7-3-209/23, na osnovu kojeg je izvršeno rangiranje ponuda.

Rangiranje ponuda prema kriteriju za izbor ponude „najniža cijena“, shodno članu 64. stav (1) tačka b) Zakona o javnim nabavkama, i rezultatu provedene e-aukcije, kako slijedi:

Rang	Ponuđač	Ukupna cijena ponude (KM) bez PDV-a
1.	„Tenneco Ing“ d.o.o. Kiseljak	39.000,00
2.	„Dinalsa“ d.o.o. Sarajevo	39.950,00

Cijeneći sve prethodno navedeno, Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Prvorangiranog ponuđača **„Tenneco Ing“ d.o.o. Kiseljak, ulica Josipa bana Jelačića broj 21, 71250 Kiseljak**, broj: 29-01/24 od 29.01.2024. godine, za izvođenje radova na rekonstrukciji česme kod džamije Magribija, putem konkurentskog zahtjeva za dostavu ponuda, uz primjenu e-aukcije, sa umanjenom cijenom nakon provedene e-aukcije, u ukupnom iznosu od **39.000,00 KM bez PDV-a, odnosno 45.630,00 KM sa PDV-om**.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog:

Zapisnik o pregledu i ocjeni ponuda

broj: 10/E-11-12326/23 od 06-02-2024. godine

Dostaviti:

- Ponuđač: „Tenneco Ing“ d.o.o. Kiseljak, ul. Josipa bana Jelačića broj 21, 71250 Kiseljak
- Ponuđač: „HM TENAX“ d.o.o. Sarajevo, ul. Vlakovo broj 158, 71000 Sarajevo
- Ponuđač: „Dinalsa“ d.o.o. Sarajevo, ul. Huseina Đoze broj 3, 71000 Sarajevo
- Službi za prostorno uređenje i investicije
- Kabinetu opštinskog načelnika - Odsjek za javne nabavke
- Službi za finansije
- U spis